

興
京
縣
志

第五冊

興京縣志第十卷 古蹟

目次

舊老城

驛站

邊隘

關

宮陵

古墓

廟宇

祠廟

自一區至九區

碑碣

名勝

古蹟

宮殿

關隘

園林

鄉社

古蹟

古蹟

古蹟

古蹟

古蹟

西鎬東洛前朝之遺跡猶存漢瓦秦甃昔日之英雄安在閒嘗縱觀
天地之鍾毓與人事之變遷而不禁感慨係之矣彼夫層巒聳翠上
出重霄飛閣流丹下臨無地因地勢之雄壯想見人物之文明過子
陵之釣臺清風不泯入武侯之祠宇古柏長青地以人傳耶人以地
傳耶古人斷碣殘碑後世憑弔往往有令人摩挲不置者良有以也
興邑爲有清發祥之地其山川之名勝祠宇之建設三百年前之遺
跡昭然可考茲就前志所有增以見聞所及分類述之志古蹟

古蹟

舊老城 在二道河村南山上清太祖未建赫圖阿拉以前之都城

也其地尙存土壘方里故址宛在

驛站 木奇站一名穆喜站清初所置西抵薩爾滸八十里爲一站

東抵興京（老城）四十里爲一站爲奉天東路第三站

邊隘

柳條邊 清初置柳爲柵以限邊圉長四百餘里北由開原境英莪

門入境東繞興京門南過城廩門入本溪境

興京邊門 即旺清門街近柳條邊清置章京衙門

舊門 在今舊門村東二里扼柳條邊衝蓋清初置興京邊門即在

此地後拓移旺清門

關

頭道關

即雅爾哈關在青龍山東水手堡西縣西八十里

二道關

即代珉關又名大民關在青龍山上縣西八十五里

三道關

即扎喀關在青龍山西麓縣西百里

按以上三關均有土壘可稽

宮陵

行宮

在陵街西夏園村原有殿房八十餘間爲有清列辟東巡驛

蹕之所道光末年停止歲修光緒十四年蘇子河漲盡湮宮之前
半垂珠門內尙屬無恙二十六年經俄兵拆取殆盡宮內器具爲

俄人滿載而去此後看守無人漸成荒墟於今有禾黍離離之感矣

永陵 在今縣城西四十里啓運山前山脈起於長白綿亘千里西峙陵街形勢頓駐山首回抱石骨峻嶒名曰龍頭下臨深潭前鋪石磴陵前月芽泡水由石路間石橋流下入蘇子河昔爲禁地今已車馬通行玉帶河出草倉北溝環繞陵山南入於河寶城後有立石一方生自啓運山中形如壺口正對寶城瑞榆陵宮前東西寬二里南北長一里有奇林樹葱蘢禁人採伐左爲陵街東堡石爲永陵西堡內外俱有甬道內外甬道左右各有下馬牌上鐫滿蒙漢三種文字字義爲諸王以下文武官員至此下馬內甬道爲

入陵宮之路甬道盡處名曰鹿角宮外甬道爲陵街東西堡往還之路東堡東首有池曰金銀泡嘉禾沟口有喇嘛台其形如日西有芽泡其形如月取日月並明之義宮之四周俱有紅柵障護名曰恰函今已無存

喬山封啓運山

月芽城 在寶城後形如括弧故名

瑞榆 在寶城中爲龍脈正中興祖直皇帝葬此樹間同治初年爲風所偃後用木架起本實已撥旁有小榆一株名曰配榆樹枝細而長由啓運殿上搭過梢垂檐前春秋滴露涓涓不絕

肇祖原皇帝寶頂在瑞榆北上一穴謹藏衣冠俗謂招魂葬

興祖直皇帝即以瑞楡爲寶頂

景祖翼皇帝寶頂在楡東爲左昭

顯祖宣皇帝寶頂在楡西爲右穆

武功郡王配葬在寶城東南隅（名禮敦景祖長子）

恪恭貝勒配葬在寶城西南隅（名塔察景祖第五子）

享嚴名啓運殿三楹內設神龕四座列四帝四后神位殿中設寶座

四尊祭時即陳祭品於殿中

東配殿三楹平時藏祭器繕修正殿時移神牌入配殿

西配殿三楹石刻純皇帝瑞楡賦鑲在南面壁間

燎爐在啓運殿階下西南隅祭畢於此焚化楮帛

啓運門三楹中門係神路東便門祭時官員由此出入西便門尋常司事人由此出入

碑樓四座內建石碑四方上刻頌肇興景顯四帝文在啓運門前外宮門三楹

造祭品所在啓運門兩旁房各三間

官廳五間在外宮門內東側值日官員及兵丁住寓

省牲所在西院另有門

冰窖在省牲所西牆外中元節祭時用

尊號台在赫圖阿拉城北門內路東萬歷四十四年丙辰正月朔清貝勒大臣爲上祖上覆育列國英明皇帝尊號建元天命元年築

壇受賀俗稱金鑾殿土墩尙存

古墓

穎親王墓按盛京通志初在興京城東南五里後遷太河南平定山下古塚二在永陵宮牆外事迹無考

查墓在老城南門外清室顯宦查勒舒之墓

本蓮方外墓在江南朝陽宮後山

孟處士墓在金斗峪北山處士名天祿石碣尙存

王郎墓在旺清河畔係文林郎王文達之墓

伯爵墓在鄭家堡西山係某伯爵之墓

廟宇

顯佑宮在老城東一里清初勅建有順治十五年碑記

地藏寺在顯佑宮東二寺同時勅有純皇帝御書四額一曰太微元
範一曰碧落保珍一曰妙證三摩一曰人天法炬俱係銅字已失
其半僅存碧落保珍妙證人摩八字宣統三年張鳴岐太守保存
古蹟將此八字交教育公所收存

文廟在老城裏東南隅

文昌閣在文廟東院

崇聖祠在文昌閣東南隅

鄉賢祠

名宦祠

忠孝祠

節烈祠俱在文櫺星門兩旁

泮水祠在櫺星門前院中上有狀元橋

按以上文廟及諸祠均於光緒三十一年燬於俄燹今擬重建於

縣城東南隅

城隍廟在縣署前路西

舊城隍廟在老城南門裏

關帝廟在老城南門裏

關岳廟在縣街西首

龍王廟在縣街西路北

劉公祠在老城教諭署東劉公殉難事見循良編中光緒三十年燬於俄燹今移祀縣城關岳廟東院祠中

第一區之祠廟

三教寺 在縣街西首路南而北其門焉俗稱娘娘廟殿宇三層屋各三楹中供神像前殿雜供諸神名多不可稽考中置娘娘寶座最後則孔聖釋迦李耳在焉三教寺之所以名者殆謂此歟

關岳廟 在縣街之西而南其門焉俗稱老爺廟殿分二層前塑馬童後則關壯繆岳忠武神像在焉

龍王廟 與關岳廟同址而稍西焉壁畫龍蛇極其莊嚴之觀不禁令人毛骨悚然信鬼神之猶在也

昭忠祠 關岳廟之東屋僅一楹中祀歷年剿匪陣亡將士木主纍纍肅穆瞻拜敬仰之心油然而生矣

九聖祠 俗稱財神廟中祀牛馬財瘟藥火蟲等九神因以爲名焉城隍廟 一在縣中學院內殿閣崢嶸金碧輝煌自改建學校以來頓失舊觀今所餘者只小屋一椽內供城隍神像而已一在女師中之西南廟宇狹小規模謏陋誠不足以云城隍廟矣

雙龍寺 在縣西藍旗莊河北清道光年間建修相傳有蛇二條身軀能伸縮之時體長尺許細如著伸時長三十餘丈粗似泥缸常將尾伏山腰頭至蘇子河飲水人曾見之因名爲雙龍寺前後建殿兩層宏壯異常以其當於縣要衝行人多往祈禱及討籤者大

同二年因土匪作亂時藉廟地爲劫路之屏蔽因燬去前殿現僅餘後殿及禪堂矣行人經此莫不歎此古蹟之忽損也

艾樂廟 在街中路北於清光緒年間有商人艾老樂所建廟僅一

楹中供神像艾某去後人皆稱曰艾樂廟

龍王廟 在縣街西北飛機場西南角處清光緒年間木商建修有

鑄鍾一架

陡嶺廟 一在白旗堡之西北隅內有二號鍾一架係清同治年間

鑄一在李家沟台此廟爲全村之冠庀材偉大建築刻畫工程極

佳每歲僱道士一名看守並有匾牌一在木頭伙洛溝裡關門

渠嘴此廟建築亦甚宏大惟年久失修荒涼滿目令人不勝浩嘆

聚仙宮 李家溝台有一石碣遠望似人立形天然奇景廟後有古墓一坵鄉人曰朱牙哈墓尙有石椿在焉

碑碣

萬靈供養碑 在縣街茶棚村龍頭山南麓建築宏麗碑石巍峩上鑄萬靈供養碑五字係清光緒三十一年滿洲義軍敬立蓋以滿洲義軍與俄戰於此義勇軍果敢直前雖粉身碎骨而不懼於是風聲鶴唳所向無敵興京城一鼓而下滿洲義軍以其義勇可嘉忠誠可欽爰豎斯碑以誌戰績而永垂不朽焉

貞節牌坊 係清朝石姓大榮勃什阿生母二十而寡先夫遺腹一子後舉領催立坊以旌其母之貞豎於五付甲北山